

- ne ac Regularis perfectionis Heroi, quam primum indulgere atque impetiri digueris.
- 3 Tria autem sunt (licet duo sufficiant). Miracula illa, quæ inter complura Venerabili viro impetrante a Deo olim patrata, iudicio potestatique Tuæ committimus, ΠΑΤΑΡ ΒΛΑΤΙΣΣΙΜΑ, quæque siue probationum quæis inmittuntur pondus, siue morborum, in quorum instantaneis prorsus ac repentinis sanationibus versantur, magnitudinem gravitatemque spectes; divinæ dexteræ Virtutem adeo clare evidenterque præferunt, ut nihil in toto hoc prodigiosarum sanationum genere probatius, nihil splendidius atque præstantius, haberi ac desiderari posse videatur.
- 4 Hæc autem ne dicta quis putet a nobis oratorie magis, quam vere, haustam a dictis Testium prædictorum trium Miraculorum expositionem, illico aggredimur, Amplissimos Patres suffragium suum in Sacrorum Rituum Comitibus semel, iterum, ac tertio de iisdem laturos etiam atque etiam rogantes, ut ad ea quæ de unoquoque Miraculo singillatim dicturi sumus, diligenter attendant. Sit ergo

## MIRACULUM PRIMUM

Subitæ ac perfectæ Sanationis Chirurgi ANTONII  
DE GUILLA a Gangræna *sinistri pedis*  
& *cruris.*

### Miraculi Expositio.

- 5 ANtonius de Guilla Chirurgiæ Professor annos natus quatuor & quinquaginta, duntaxat pessimisque cibis corpus alere jam solitus, illudque etiam jejuniis sæpe attenuare: (ab anno enim & ultra pane tantum & aqua sese plerumque sustentabat); diris primum phantasmatibus vexari, mox lentis febribus adduci cepit anno reparatæ salutis 1624. initio majoris hebdomadæ, *Summar. §. 1. pag. 1. §. 76. pag. 10. §. 106. pag. 14.* Quum eo morbo implicitus per aliquot dies lecto decubisset, feriaque sexta in Parasceve jam se melius haberet, mane subsequenti diei, quæ fuit dies Sabbati Sancti, hora decima circiter ante meridiem, e lecto surgens, seque induere incipiens, dolore intensissimo, minimeque ferendo se affici sensit in majore digito sinistri pedis, *dict. Summ. §. 64. pag. 9. §. 82. pag. 11.* Hic autem dolor totum celerrime occupans pedem, mox paulatim ita ad crus ascendit, ut cunctas tum pedis tum cruris partes, quas occupaverat, caloris, sensus, elatarii, roboris penitus expertes reddiderit; coloremque sublividum, siue potius nigrum præferrentes, *Summar. §. 9. pag. 2. §. 20. pag. 3. §. 36. pag. 5. §. 46. pag. 7. §§. 65. 66. & 67. pag. 9. §§. 83. 84. & 85. pag. 11. §. 97. pag. 12.*
- 6 Non potuit eger rei Chirurgicæ peritissimus non intelligere prædictas sinistri sui pedis crurisque partes in eo statu positas & constitutas esse, quam latini *mortificationem*, Græci γαγγραινας appellant. hunc vero morbum lethalem omnino esse, imo quam citissime mortem producere, præsentim ubi *Gangræna* a causa interna procedit *Summar. §. 4. pag. 2. §. 27. & 28. pag. 4. §. 43. pag. 6. §§. 47. & 48. pag. 7. §. 68. pag. 9. §. 77. 78. & 79. pag. 10. §§. 86. & 87. pag. 11. §. 99. pag. 13. in princip.* Itaque instare sibi jam